



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU **HRVATSKE SELJAČKE STRANKE**

Broj: 03-07-6-520/18  
Sarajevo, 28.05.2018. godine

## SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE REVIZIJE.....	5
5.1. NALAZI.....	5
5.2. PREPORUKE.....	6

## MIŠLJENJE REVIZORA

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja političke stranke Hrvatske seljačke stranke za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Pregledom godišnjeg finansijskog izvještaja za 2017. godinu, utvrđeno je da je Hrvatska seljačka stranka prekršila odredbe člana 4. stav (1), član 11. stav (1) i člana 12. stav (1) i stav (4) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Hrvatske seljačke stranke za 2017. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2017. godinu, Hrvatska seljačka stranka se finansirala iz sljedećih izvora<sup>1</sup>:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica ( 3-a )	0,00	0,00
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	1.071,65	100,00
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>1.071,65</b>	<b>100,00</b>
<b>II</b>	<b>Ostali prihodi i drugo</b>	<b>0,00</b>	<b>0,00</b>
	<b>Izvori finansiranja (I+II)</b>	<b>1.071,65</b>	<b>100,00</b>

U godišnjem finansijskom izvještaju stranka je iskazala rashode u ukupnom iznosu od 1.250,30 KM.<sup>2</sup>

## 2. PREDSTAVLJANJE POLITIČKE STRANKE

Naziv političke stranke je Hrvatska seljačka stranka. Skraćeni naziv je HSS.

Hrvatska seljačka stranka je registrovana kod Općinskog suda u Mostaru dana 13.09.2010. godine, Rješenjem broj: R/5-10.

Sjedište političke stranke je u Mostaru, ulica Kralja Petra Krešimira IV L-5<sup>3</sup>.

Lica ovlaštena za zastupanje stranke su Mario Karamatić, predsjednik stranke i Ljiljana Lovrić, predsjednica Glavnog odbora.

Lice ovlašteno za podnošenje finansijskih izvještaja za 2017. godinu je Mario Karamatić.

Prema podacima iz godišnjeg finansijskog izvještaja za 2017. godinu, Hrvatska seljačka stranka nema niže nivoe organizovanja.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Hrvatske seljačke stranke za 2017. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju

<sup>1</sup> Podaci iz godišnjeg finansijskog izvještaja za 2017. godinu koji je dostavljen u pisanoj formi dana 16.05.2018. godine.

<sup>2</sup> Podaci iz godišnjeg finansijskog izvještaja za 2017. godinu koji je dostavljen u pisanoj formi dana 16.05.2018. godine.

<sup>3</sup> Hrvatska seljačka stranka je, dopisom broj: Ur.br.1/10/15 od 15.11.2015. godine, obavijestila Centralnu izbornu komisiju BiH da će se komunikacija sa strankom obavljati na novoj adresi u Posušju, Ulica Fra Grge Martića 31.

političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Hrvatske seljačke stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

#### **4. PRETHODNE KONTROLE I REVIZIJE**

U periodu od 2010. do 2016. godine, obavljeni su pregledi godišnjih finansijskih izvještaja Hrvatske seljačke stranke, nakon čega su izdati izvještaji o pregledu sa mišljenjem revizora, nalazima i preporukama revizije, osim 2013. godine za koju stranka Centralnoj izbornoj komisiji BiH nije podnijela godišnji finansijski izvještaj, niti je omogućila pristup svojim prostorijama kako bi se izvršila revizija. Centralna izborna komisija BiH je, u okviru svojih nadležnosti utvrđenih u članu 14. stav (2) Zakona o finansiranju političkih stranaka, Odlukom broj: 03-07-6-1104/15 od 09.12.2015. godine Hrvatskoj seljačkoj stranci izrekla administrativnu mjeru, u skladu sa članom 10. stav (8) istog Zakona, kojom se stranci uskraćuje pravo da se kandiduje na narednim izborima (Lokalnim izborima 2016. godine).

Nakon obavljenog pregleda finansijskog izvještaja za 2016. godinu, izdat je Izvještaj o pregledu sa mišljenjem revizora, nalazima i preporukama Hrvatskoj seljačkoj stranci da vodi poslovne knjige i podnosi finansijske izvještaje na način koji je utvrđen Zakonom o računovodstvu i reviziji FBiH i da finansijske izvještaje koje podnosi Centralnoj izbornoj komisiji Bosne i Hercegovine dostavlja u skladu sa Pravilnikom o godišnjim finansijskim izvještajima političkih stranaka.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2017. godinu, utvrđeno je da Hrvatska seljačka stranka nije ispoštovala date preporuke.

#### **5. NALAZI I PREPORUKE REVIZIJE**

##### **5. 1. NALAZI**

##### **a) Hrvatska seljačka stranka je prekršila odredbe člana 4. stav (1) Zakona o finansiranju političkih stranaka.**

Pregledom godišnjeg finansijskog izvještaja utvrđeno je da politička stranka nije donijela program utroška sredstava<sup>4</sup> za 2016. godinu.

Obzirom da je sredstva, koja je obezbijedila iz budžeta u iznosu od 1.071,00 KM, politička stranka koristila bez programa utroška sredstava, prekršila je odredbe člana 4. stav (1) Zakona o finansiranju političkih stranaka, koji propisuje da stranka finansijska sredstva iz člana 3. stav (1) ovog Zakona može koristiti isključivo za ostvarivanje ciljeva utvrđenih svojim programom i statutom.

##### **b) Hrvatska seljačka stranka prekršila je odredbe člana 11. stav (1) i člana 12. stav (1) i stav (4) Zakona o finansiranju političkih stranaka.**

- (1) Pregledom godišnjeg finansijskog izvještaja, utvrđeno je da stranka nije vodila poslovne knjige i nije podnijela godišnji obračun (završni račun) za 2017. godinu nadležnoj instituciji,

---

<sup>4</sup> Stranka je uz dodatnu dokumentaciju dostavila Izjavu Centralnoj izbornoj komisiji BiH da nije donijela program za 2017. godinu.

Finansijsko-informatičkoj agenciji<sup>5</sup>, čime je prekršila odredbe člana 11. stav (1) Zakona o finansiranju političkih stranaka<sup>6</sup>.

- (2) Hrvatska seljačka stranka godišnji finansijski izvještaj za 2017. godinu nije dostavila u zakonom propisanom roku i na način utvrđen Pravilnikom o godišnjim finansijskim izvještajima političkih stranaka-u daljem tekstu: Pravilnik, čime su prekršene odredbe člana 12. stav (4) Zakona o finansiranju političkih stranaka<sup>7</sup>.

- Uvidom u službene evidencije, utvrđeno je da stranka nije dostavila godišnji finansijski izvještaj za 2017. godinu u zakonom propisanom roku, pa joj je Centralna izborna komisija Bosne i Hercegovine dana 03.05.2018. godine uputila Urgenciju za podnošenje godišnjeg finansijskog izvještaja za 2016. godinu putem aplikacije „FI CIK BIH”<sup>8</sup>.

Nakon urgencije, Hrvatska seljačka stranka je godišnji finansijski izvještaj za 2017. godinu dostavila u pisanoj formi dana 16.05.2018. godine, što nije u skladu sa odredbama člana 12. stav (4) Zakona o finansiranju političkih stranaka i odredbama člana 3. stav (1) Pravilnika o godišnjim finansijskim izvještajima političkih stranaka

Dana 19.09.2018. godine, Hrvatska seljačka stranka je, zatim, godišnji finansijski izvještaj za 2017. godinu podnijela i putem aplikacije „FI CIK BIH”, te je dana 12.11.2018. godine Centralnoj izornoj komisiji Bosne i Hercegovine dostavila obrasce finansijskog izvještaja, odštampane iz aplikacije u PDF formatu, ovjerene potpisom ovlaštenog lica i pečatom političke stranke.

- Uvidom u finansijske izvještaje koji su dostavljeni Centralnoj izornoj komisiji Bosne i Hercegovine, utvrđeno je da podaci o prihodima i rashodima koje je Hrvatska seljačka stranka iskazala u finansijskom izvještaju koji je dostavljen u pisanoj formi, ne odgovaraju podacima koje je stranka iskazala u finansijskom izvještaju koji je dostavljen putem aplikacije „FI CIK BIH”.

Naime, uvidom u izvode sa transakcijskog računa utvrđeno je da je stranka u toku 2017. godine primila sredstva iz budžeta Općine Posušje u iznosu od 1.071,00 KM, što odgovara podacima iz finansijskog izvještaja koji je dostavljen u pisanoj formi dana 16.05.2018. godine. Takođe, utvrđeno je da je stranka u istom finansijskom izvještaju iskazala ukupne rashode u iznosu od 1.250,30 KM, što odgovara prometu izlaza sa transakcijskog računa.

S druge strane, Hrvatska seljačka stranka nije u finansijskom izvještaju koji je dostavljen putem aplikacije „FI CIK BIH” dana 19.09.2018. godine iskazala prihode i rashode.

## 5.2. PREPORUKE

***Preporučuje se Hrvatskoj seljačkoj stranci da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:***

- ***da u svrhu ostvarivanja svojih programskih ciljeva svake godine donosi program utroška sredstava,***

<sup>5</sup> Stranka je dana 03.12.2018. godine dostavila Izjavu Centralnoj izornoj komisiji BiH da nije podnijela godišnji obračun Finansijsko-informatičkoj agenciji FBiH.

<sup>6</sup> Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

<sup>7</sup> Do 31.3. naredne godine politička stranka podnosi finansijski izvještaj u formi koju odobri Centralna izborna komisija Bosne i Hercegovine. Centralna izborna komisija Bosne i Hercegovine donosi propise za provođenje odredbi kojima se bliže utvrđuju sadržaj, forma, način i drugi detalji izvještavanja.

<sup>8</sup> Politička stranka je bila dužna da godišnji finansijski izvještaj za 2016. godinu podnese do 31.03.2018. godine u elektronskoj formi, putem aplikacije „FI CIK BIH” i da Centralnoj izornoj komisiji Bosne i Hercegovine dostavi potvrdu o podnesenom finansijskom izvještaju u elektronskoj formi i obrasce finansijskog izvještaja, odštampane iz aplikacije u PDF formatu, ovjerene potpisom ovlaštenog lica i pečatom političke stranke.

- *da vodi poslovne knjige i podnosi finansijske izvještaje na način koji je utvrđen Zakonom o računovodstvu i reviziji FBiH, odnosno da uspostavi potpune i tačne evidencije o svojim prihodima i rashodima i*
- *da finansijske izvještaje koje podnosi Centralnoj izbornoj komisiji Bosne i Hercegovine dostavlja u zakonom predviđenom roku i popunjen u skladu sa Pravilnikom o godišnjim finansijskim izvještajima političkih stranaka.*

#### **KOMENTAR**

Politička stranka Hrvatska seljačka stranka nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2017. godinu.

Pomoćnik revizora

Šef Službe za reviziju, revizor

Anela Burdžović Kapić

Mr.sc Hasida Gušić